

Extractum Taraxaci.

Paretur e **Radice Taraxaci** recenti cum **Herba** concisa
uti extractum **Absinthii** praeterquam quod liquores
extractione obtenti et colati non ad duodecim sed ad
tres partes usque evaporent.

Sit e nigro fuscum, in aqua paene limpide solvatur.

Extractum Trifolii.

Paretur e **Foliis Trifolii** fibrini uti extractum **Absinthii**.
Sit coloris e fusco nigri, in aqua colore fusco
limpide solvatur.

Fel Tauri.

Ochsengalle.

Fel Tauri depuratum siccum.

R. Fellis Tauri recentis,
Spiritus Vini rectificatissimi, singulorum
partes aequales.

Misceantur exakte; mixta aliquamdiu seposita fil-
trentur; quo facto ex liquore spiritus vini in balneo
vaporis destillet.

Residuo saepius agitando **Carbonis animalis** humidi,
antea **Acido hydrochlorato** depurati, sensim tantum
addatur, ut liquoris portiuncula exempta et filtrata
coloris sit subflavi, tum filtretur et liquor in extractum
siccum redigatur.

Sit pulvis e subflavo albus, eodem colore in aqua et spiritu vini rectificatissimo limpide solubilis, facile humescens, ignitus residuum relinquens exiguum album, quod reactionem alkalinam praebet.

Fellis Tauri recentis partes 100 Fellis depurati siccii
7 fere partes praebent.

In vasis bene clausis servetur.

Ferro-Kali tartaricum.

Globuli Tartari ferruginosi seu martiati pulverati.

R. Ferri limati partem unam, 1.
Tartari crudi pulverati partes quatuor. 4.

Mixta in vase figulino **Aqua communis** addita in pultem redige, quam saepius agitando et aquae quantum evaporaverit, addendo tam diu digere, donec massa fiat homogenea nigra et particula ejus exempta in aqua maxima ex parte soluta hanc aquam e viridi nigram reddat. Tum massa loco tepido siccata pulveretur.

Sit pulvis crassus e griseo subviridis.

Ferrum aceticum solutum.

Liquor Ferri acetici.

R. Ferri sulphurici puri partes quadraginta, . . . 40.

Acidi acetici diluti partes sexaginta quatuor. 64.

Ferrum sulphuricum in oxydum redigatur, tum ferrum hydricum **Ammoniaco caustico** soluto praecipitetur quo

modo ad ferrum hydricum parandum praescriptum est; praecipitatum linteo immissum et **Aqua destillata** per bene elotum una cum linteo charta bibula involutum exprimatur. Haec operatio tam diu repetatur, donec ferri hydraci pondus sit **partium triginta fere duarum**. Deinde ferro hydrlico in lagenam immisso infundatur acidum aceticum dilutum et conquassetur, donec ferri hydraci pars paene nulla non soluta remaneat. Quo facto liquor per linteum coletur et hoc ipsum ea aquae destillatae copia eluatur, ut liquor sit **partium centum**.

Sit coloris e rubro fusci, ponderis specifici = 1,134 usque ad 1,138, ferri partes 8 continens in 100 partibus.

In vase bene clauso servetur.

Ferrum chloratum solutum.

Liquor Ferri muriatici oxydulati. Liquor Chloreti ferrosi.

R. Ferri in filis partes centum decem, 110.
 Acidi hydrochlorati partes quingentas viginti, 520.
 Acidi hydrochlorati partem unam. 1.
 Acidi hydrochlorati partibus quingentis viginti in cucurbitam satis amplam infusis sensim immitte ferrum. Quum gasis evolutio fere cessaverit, cucurbita per aliquot horas stet in balneo vaporis, tum liquor a ferro non soluto filtratione accelerata separetur et acidi

hydrochlorati parte una addita tantum Aquae liquori admisceatur, ut pondus par sit 1000 partibus.

Ferrum chloratum solutum ferri continet partes 10 in 100 partibus; pondus specificum sit = 1,226 usque ad 1,230.

Sit limpидum, coloris subviridis.

In vasis bene clausis, non amplis servetur.

Ferrum hydricum

Ferrum oxydatum fuscum. Hydras ferricus.

Loco Ferri carbonici.

R.	Ferri sulphurici puri,	16.
	Aquae destillatae, singulorum partes sedecim,	16.
	Acidi sulphurici puri partes tres,	3.
	Acidi nitrici partes sex,	6.
	Ammoniaci caustici soluti partes triginta duas,	32.
	Aquae destillatae partes sexaginta quatuor.	64.

Acidum sulphuricum cum aquae destillatae copia priore misce, in his mixtis solve ferrum sulphuricum et liquori ebullienti acidi nitrici copiam praescriptam aut tantum adde, ut ferri oxydulati nihil supersit, quod factum esse eo cognoscitur, quod portiuncula exempta kali hypermanganicum solutum non amplius decolorat. Liquori adde aquae tantum, ut par sit septuaginta quinque partibus, tum eum sub perpetua agitatione affunde ammoniaco caustico soluto, antea cum aquae altera copia commixto. Praecipitato orto, liquori, si

reactionem alkalinam non praebuerit, paullum praeterea ammoniaci caustici soluti admisce. Praecipitatum in filtrum ingestum primum aqua communi, deinde aqua destillata elotum exprime et leni calore sicca.

Sit pulvis subtilissimus e rufo fuscus, acido hydrochlorato infuso fiat liquor ferri sesquichlorati limpidus, qui baryo chlorato soluto paullum modo turbetur.

In vase bene clauso servetur.

Ferrum hydricum in Aqua.

R. Ferri sesquichlorati soluti partes triginta,	30.
Aquae communis partes ducentas sexaginta tres,	263.
Magnesiae ustae partes septem	7.

Dimidia aquae parti in lagenam satis amplam infusae primum ferrum sesquichloratum, deinde magnesiam ustam cum altera aquae parte contritam adde, quo facto mixta et exactissime et continuo conquassa, donec puls aequabilis et tenuis formata sit.

Nonnisi ad dispensationem paretur.

Ferrum oxydulatum lacticum.

Sit crystallinum, coloris albidi, in aëre constans, in aquae frigidae partibus quadraginta octo solubile.

Ferrum pulveratum.*Limatura Martis praeparata.*

Sit pulvis subtilissimus, cinereus, gravis, a cupro liber. Acido hydrochlorato affuso gasis hydrosulphurati nihil extricetur.

In vasis bene clausis servetur.

Ferrum sesquichloratum solutum.

Liquor Ferri sesquichlorati. Liquor Ferri muriatici oxydati. Liquor Chloreti ferrici.

R. Ferri in filis partes sedecim,	16.
Acidi hydrochlorati partes septuaginta	
octo cum dimidia.	78½.

Acido hydrochlorato in cucurbitam satis amplam infuso sensim immitte ferrum. Cucurbitam efficientia ferri propemodum perfecta in balneo vaporis per aliquot horas interdum conquassando sepone, tum liquorem a ferro non soluto filtro separa.

Liquori addatur tantum **Aqua destillata** ut pondus totius sit **partium trecentarum**, deinde ex apparatu ad chlorum solutum parandum descripto **Chlorum** tam diu inducatur, donec ferrum chloratum plane mutatum fuerit in ferrum sesquichloratum, quod eo cognosci potest, quod ferri soluti portiuncula exempta kali hypermanganicum solutum non amplius decolorat.

Liquor demum in balneo vaporis evaporet, ut centum partes restent, tum ponderis specifici erit = 1,480 usque ad 1,484.

Ferri continet 15 partes in 100 partibus.

In vase obturamento vitreo claudendo servetur.

Ferrum sulphuricum crudum.

Ferrum sulphuricum venale. Vitriolum Martis.

Grüner Vitriol.

Ferrum sulphuricum purum.

Vitriolum Martis purum.

Sulphas ferrosus cum Aqua purus.

- | | | |
|-----------|--|------|
| R. | Acidi sulphurici crudi partes sexaginta, | 60. |
| | Aquae destillatae partes ducentas quadraginta, | 240. |
| | Ferri in filis partes quadraginta, | 40. |
| | Acidi sulphurici puri partem unam. | 1. |

In cucurbitam vitream aqua et in eam ita ut vertices oriantur perturbatam caute infundatur acidum sulphuricum crudum, tum ferrum immittatur. Quodsi efficientia temperatura consueta remissior appareat, cucurbita in balneo vaporis calefiat, donec vis illa evanuerit. A ferro remanente filtro separa soluta, quibus acidum sulphuricum purum adde et e liquore ferrum sulphuricum in crystallos redige, quas primum aqua, deinde spiritus vini parva copia ablutas, in aëre sicca. Sint crystalli

coloris laete caeruleo-viridis, in aquae frigidae minore copia quam duabus partibus, in aquae fervidae partibus aequalibus solubiles.

In vasis parvis bene obturatis serva.

Flores Arnicae.

Wohlverleihblüthen.

Arnica montana L. Compositae Adanson.

XIX. 2. L.

Flosculi vitellini, pappo piloso, scabro, fragili instructi, germine tuboque pubescentes, radii feminei ligulati, duas lineas lati, tridentati, disci hermaphroditi tubulosi. Dispensentur tantummodo flosculi a peranthodio liberati.

Sunt acres, pulvere sternutamentum excitante.

Flores Chamomillae Romanae.

Römische Kamillenblüthen.

Anthemis nobilis L. Compositae Adanson.

XIX. 2. L.

Anthodia radiata, cultura luxuriantia, peranthodio imbricato, receptaculo convexo, bracteolis obtusis laceris obsito, flosculis epapposis, disci tubulosis luteis, maxima ex parte in radii flosculos ligulatos albos mutatis, odoris peculiaris, fortis, saporis subamari.

Flores Chamomillae vulgaris.

Gemeine Kamillenblüthen.

Matricaria Chamomilla L. Compositae Adanson.

XIX. 2. L.

Anthodia radiata, peranthodio imbricato, receptaculo conico cavo nudo, flosculis epapposis, disci tubulosis luteis, radii ligulatis albis, odoris proprii gravis, saporis subamari. Ne confundantur cum floribus **Pyrethri inodori Smith** neve cum floribus **Anthemidum Cotulae L. et arvensis L.**

Flores Cinae.

Zittwerblüthen.

Semen Cinae Halepense vel Levanticum. Semen Santonici.

Zittwersamen. Wurmsamen.

Artemisiae species e sectione Seriphidii hue usque ignota. **Compositae Adanson. XIX. 2. L.**

Anthodia pauciflora clausa, oblonga, prismatica, glabra, coloris e subviridi luteoli vel subfuscari, ad lineam longa, peranthodii squamis imbricatis carinatis, membranaceo - marginatis, dorso glandulis minutis aureis inspersis, exterioribus minutis ovatis, interioribus oblongis, odoris proprii nauseoso - camphoracei, saporis amari.

Rejiciuntur flores Cinae Indici et Barbarici, quorum hi tomento cinereo, illi magnitudine et glandulis majoribus ab officinalibus floribus differunt.

Flores Kusso.

Kussoblüthen.

*Hagenia Abyssinica Willdenow.**Brayera anthelminthica Kunth. Rosaceae Lindley.***XI. 2. L.**

Paniculae femineae densissimae, ramosissimae, villosae, multiflorae, floribus bibracteatis, perigynis, plus minusve defloratis, bracteis subrotundis sepalisque exterioribus quatuor vel quinque oblongis, sex fere lineas longis, membranaceis, reticulatis, rubentibus vel subviridibus, saporis nauseoso-subamari.

Rejiciantur pedunculi crassiores.

Flores Lavandulae.

Lavendelblüthen.

Lavandula officinalis Chaix. Labiateae Juss. XIV. 1. L.

Flores caerulei, calyce cylindrico, villoso, quinque-dentato, dente summo majore, corolla bilabiata, odore aromatico fragrantes.

Flores Sambuci.

Fliederblüthen. Hollunderblüthen.

Sambucus nigra L. Caprifoliaceae Juss. V. 3. L.

Cymae quinqueradiatae, multiflorae, corollis epigynis, rotatis, ex albo luteolis; odore peculiari. Colligendi flores tempestate sicca.

Flores Verbasci.

Königskerzenblumen. Wollkrautblumen.

Verbascum thapsiforme Schrader et phlomoides L.

Scrophularinae R. Brown. V. 1. L.

Corollae majuseulæ, rotatae, subregulares, aureæ, staminibus tribus superioribus brevioribus, albo-lanatis, inferioribus duobus longioribus, glabris, mucilaginosæ, odoris peculiaris. Colligendæ sine calycib⁹ tempestate sicca, siccatae in vasis antea calefactis et bene obturandis servandæ.

Folia Aurantii.

Pomeranzenblätter.

Citrus vulgaris Risso. Aurantiaceæ Juss. XVIII. L.

Folia oblonga, acuta, glaberrima, pellucide punctata, petiolo articulato, latiuscule alato, odoris aromatici, saporis amari, fricta fragrantia. Colligenda aestate. Differunt a foliis Citri, quibus ala petioli angustissima vel nulla est.

Folia Belladonnae.

Tollkirschenblätter. Belladonnablätter.

Atropa Belladonna L. Solanaceæ Bartling. V. 1. L.

Folia ovalia, in petiolum attenuata, integerrima, acuta, superne saturate viridia, juniora pubescentia, adulta nervis tantum subpubescentia. Colligenda e planta spontanea florescente.

Caute servanda.

Folia Cardui benedicti.

Kardobenediktenblätter.

*Cnicus benedictus L. Compositae Adanson.***XIX. 3. L.**

Folia oblonge lanceolata vel lanceolata, in petiolum decurrentia, sinuato-pinnatifida, spinuloso-denticulata, villosa, saporis peramari. Plantam cultam adhibere licet.

Folia Digitalis.

Fingerhutblätter.

*Digitalis purpurea L. Scrophulariae R. Brown.***XIV. 2. L.**

Folia oblonga, in petiolum attenuata, rugosa, acute crenata, subtus praesertim magis minusve tomentosa, saporis amari. Colligenda folia e plantis spontaneis florescentibus; e cultis ne colligantur. Siccentur in umbra. In vasis a luce remotis, neve ultra annum sed caute serventur.

Folia Farfarae.

Huflattichblätter.

*Tussilago Farfara L. Compositae Adanson.***XIX. 2. L.**

Folia subrotundo-cordata, sinuato-angulata, dentata, subtus albide tomentosa, saporis subamari. Colligenda mense Majo.

Folia Hyoscyami.

Bilsenkrautblätter.

Hyoscyamus niger L. Solanaceae **Bartling.** V. 1. **L.**

Folia ovato-oblonga, sinuato-dentata, villosa, odoris nauseosi, narcotici. Colligantur quum planta florescit.

Cante neve ultra annum serventur.

Folia Melissae citratae.

Citronenmelissenblätter.

Folia Melissae. **Melissenblätter.****Melissa officinalis L.** α **citrata Bischoff.****Labiatae Juss.** XIV. 1. **L.**Folia ovata vel subcordata, crenato-serrata, magis minusve hirta, subtus pallidiora, glandulosa, odoris aromatici, saporis subamari. Colligantur quum planta saepe culta florescit, ne confundantur cum foliis subtus cano-tomentosis **Nepetae Catariae L.** var. **citriodorae.****Folia Menthae crispae.**

Krauseminzblätter.

Mentha crispa L. et **crispata Schrader.****Labiatae Juss.** XIV. 1. **L.**

Folia subsessilia, cordata vel ovata, bullato-rugosa, undulata, lacero-dentata, obtusa vel acuta, villosa vel glabra, subtus glandulosa, odoris peculiaris. Colligenda quum planta culta florescit.

Folia Menthae piperitae.

Pfefferminzblätter.

Mentha piperita L. Labiate Juss. XIV. 1. L.

Folia longius petiolata, oblonga, acuta, argute serrata, glabriuscula, glandulosa, fragrantia, saporis peculiaris aromatici, os primum urentia, tum frigoris sensum excitantia. Colligenda folia quum planta culta florescit.

Rejiciantur folia **Menthae viridis L.**, quae sunt sessilia et minus efficacia.

Folia Millefolii.

Schafgarbenblätter.

Achillea Millefolium L. Compositae Adanson.**XIX. 2. L.**

Folia in ambitu lanceolata, bipinnatifida, petiolo nervisque subtus villosis, laciniis brevissimis, lanceolatis, acuminatis, mucronatis, subtus glandulosis, saporis amari.

Folia Nicotianae Tabaci.

Tabaksblätter.

Nicotiana Tabacum L. Solanaceae Bartling. V. 1. L.

Folia siccata, fusca, oblongo-lanceolata, acuta, basi attenuata, integerrima, glanduloso-pubescentia, odoris peculiaris, manducata acria. Adhibeantur folia, quae vulgo Virginiana vocantur.

Folia Rosmarini.

Rosmarinblätter.

Rosmarinus officinalis L. Labiateae Juss. II. 1. L.

Folia rigida, linearia, rugosa, glandulosa, margine revoluto, subtus albo-tomentosa, odoris aromatici.

Folia Salviae.

Salveiblätter.

Salvia officinalis L. Labiateae Juss. II. 1. L.

Folia petiolata, oblonga, rugosa, crenulata, tenuiter tomentosa, odoris aromatici, saporis amari, manducata adstringentia. Colligenda antequam planta culta florescit.

Folia Sennae.

Sennesblätter.

*Alexandriner oder Tripolitaner Sennesblätter.***Cassia lenitiva Bischoff.****Caesalpiniaceae De Candolle. X. 1. L.**

Foliola subcoriacea, ovalia vel oblonga, integerrima, basi obliqua, medio latiora, acuta, mucronulata, venosa, magis minusve pubescentia, pallide e glaucescente viridia, odoris peculiaris, saporis nauseoso-subamari. Saepissime mixta reperiuntur cum foliis rigidis, lanceolatis, basi aequalibus, uninerviis, glaucescentibus, pubescentibus **Solenostemmatis Argel Hayne.**

Rejiciantur petioli foliorum et legumina intermixta.

Nec Sennam Indicam, foliola elongate lanceolata et acutata, basi latiora **Cassiae acutifoliae Delile**, nec Sennam Halepensem vel Italicam, foliola obovata **Cassiae obovatae Colladon**, adhibere licet.

Folia Sennae Spiritu Vini extracta.

Folia Sennae in **Spiritus Vini rectificatissimi** partibus quatuor per biduum macerentur, tum exprimantur et siccentur.

Folia Stramonii.

Stechapfelblätter.

Datura Stramonium L. Solanaceae **Bartling.**

V. 1. L.

Folia petiolata, ovata, acuta, sinuato-dentata, juniora puberula, adulta in nervis tantum pilosiuscula, superne saturate viridia, subtus pallidiora, odoris narcotici, saporis nauseosi, amari. Colligenda quum planta florescit et caute nec ultra annum servanda.

Folia Trifolii fibrini.

Dreiblatt.

Folia Trifolii aquatica.

Biberkleeblätter, Bitterkleeblätter, Fieberkleeblätter.

Menyanthes trifoliata L. Gentianeae **Juss.** V. 1. L.

Folia petiolata ternata, foliolis subsessilibus, ovalibus vel oblongis, obtusis, leviter repandis, crenatis, glabris, laete viridibus, saporis peramari. Colligenda mensibus Majo et Junio.

Folia Uvae Ursi.

Bärentraubenblätter.

*Arctostaphylos Uva Ursi Sprengel. Ericaceae R. Brown.***X. 1. L.**

Folia obovata, coriacea, integerrima, glabra, nitida, reticulato - venosa, saporis subamari, manducata adstringentia. Colligenda aestate. Ne commutentur cum foliis margine reflexis, subtus opacis, venosis, fusco-punctatis *Vaccinii Vitis Idaeae L.*

Fructus Anisi stellati.

Sternanis.

*Semen Anisi stellati.**Illicium anisatum Loureiro. Wintereae Lindley.***XIII. 4. L.**

Carpella drupacea, plerumque octo, stellato-divaricata, cymbaeformia, compressa, extus e griseo fusca, rugosa, intus laevigata, unilocularia, margine superiore dehiscentia, monosperma, semine compresso, nitido, badio, odoris aromatici, saporis subdulcis, manducata linguam paullum urentia.

Fructus Anisi vulgaris.

Anisfrüchte.

*Semen Anisi vulgaris. Anissamen.**Pimpinella Anisum L. Umbelliferae Juss. V. 2. L.*

Fruetus late ovati, a latere parum compressi, dense puberuli, coloris e griseo subviridis, lineam longi,

mericarpiis duobus plerumque cohaerentibus, anguste
quinque costatis, odoris aromatici, saporis subdulcis,
manducati linguam paullum urentes.

Fructus Aurantii immaturi.

Unreife Pomeranzen.

Poma Aurantii immatura.

Citrus vulgaris Riss. *Aurantiaceae Juss.* **XVIII. L.**

Fructus immaturi siccatae, globosi, glandulosi, multi-
loculares, ad magnitudinem cerasorum usque electi,
coloris obscure viridis, odoris aromatici, saporis amari.

Fructus Cannabis.

Hanfkörner.

Semen Cannabis. Hanfsamen.

Cannabis sativa L. *Urticaceae Juss.* **XXII. 5. L.**

Rejiciantur vetusti, saporis rancidi.

Fructus Capsici.

Spanischer Pfeffer.

Piper Hispanicum vel Indicum.

Capsicum annuum et Capsicum longum Fingerhuth.

Solanaceae Bartling. **V. 1. L.**

Baccae exsuccae, conicae, plerumque rubrae, nitidae,
calyce planiusculo suffulta, intus cavae, incomplete
bi- vel triloculares, pericarpio tenui coriaceo, seminibus
planis luteolis, sporophoro magno affixis, os acriter
urentes.

Fructus Cardamomi minores.

Kleine Kardamomenfrüchte.

Cardamomum minus seu Malabaricum.

Kleine oder Malabarische Kardamomen.

Elettaria Cardamomum White et Maton.

Scitamineae R. Brown. I. 1. L.

Capsulae chartaceae, trigonae, striatae, quinque vel sex lineas longae, straminei coloris, triloculares, pleiospermae, seminibus parvis, duriusculis, fuscis, obtusangulis, rugosis, hinc sulco instructis, odoris intense aromatici.

Fructus Carvi.

Kümmelfrüchte.

Semen Carvi. Kümmelsamen.

Carum Carvi L. Umbelliferae Juss. V. 2. L.

Fructus oblongi, a latere valde compressi, duas fere lineas longi, mericarpiis facile separabilibus, angustis, utrinque attenuatis, quinquecostatis, costis angustis, albidis, sulcis latis, fuscis, univittatis, odoris peculiaris.

Fructus Colocynthidis.

Koloquinte.

*Colocynthis. Poma Colocynthidis. Alhandal.***Citrullus Colocynthis Arnott seu Cucumis Colocynthis L.****Cucurbitaceae Juss. XXI. 8. L.**

Fructus globosi, mali magnitudine, siccati, decorticati, carne levi, spongiosa, albida, amarissima instructi. Praeferantur fructus majores, multum carnis, semen vero minorem copiam continentibus; adhibeantur a seminibus liberati.

Caute serventur.**Fructus Coriandri.**

Korianderfrüchte.

*Semen Coriandri. Koriandersamen.***Coriandrum sativum L. Umbelliferae Juss.****V. 2. L.**

Fructus globosi, calyce coronati, lineam fere et dimidiam longi, coloris e fusco-subflavi, intus excavati, mericariis plerumque cohaerentibus, dorso multi-striatis, saporis subdulcis, odoris peculiaris.

Fructus Cubebae.

Kubeben.

*Cubebae.*Cubeba officinalis *Miquel.* Piperaceae *Richard.***XXII. 2. L.**

Drupae siccatae, duriusculae, subglobosae, monospermae, basi attenuata stipitiformi quam fructus longiore, reticulatim rugosae, coloris e cinereo obscure fusi, piperis nigri magnitudine, odore fraganti, manducatae urentes.

Fructus Foeniculi.

Fenchelfrüchte.

*Semen Foeniculi. Fenchelsamen.*Foeniculum officinale *Allione.* Umbelliferae *Juss.***V. 2. L.**

Fructus oblongi, teretiusculi, coloris subfusci vel subviridis, ad lineas duas et dimidiam longi, mericarpiis duobus plerumque discretis, quinquecostatis, costis carinatis, pallidioribus, sulcis latis, obscurioribus, odoris peculiaris, saporis subduleis, manducati linguam paullum urentes.

Fructus Juniperi.

Wachholderbeeren.

*Baccae Juniperi.*Juniperus communis *L.* Coniferae *Juss.* **XXII. 13. L.**

Rejiciantur fructus immaturi, grisei vel rufi.

Fructus Phellandrii.

Wasserfenchelfrüchte.

*Semen Phellandrii. Fructus vel Semen Foeniculi
aquatici. Wasserfenchelsamen.*

Oenanthe Phellandrium Lamarck. Umbelliferae Juss.
V. 2. L.

Fructus oblongi, subteretes, sursum paullum angustati, calyce coronati, obtuse costati, anguste sulcati, fusi, ad duas lineas longi, mericarpiis plerumque cohaerentibus, saporis subamari, odoris peculiaris.

Cave ne fructus **Cicutae virosae L.** neve **Sii latifolii L.** immixti sint, qui forma subglobosa aut ovata et colore subviridi ab iis differunt.

Fructus Rhamni catharticae.

Kreuzdornfrüchte.

Baccae Spinae cervinae. Kreuzdornbeeren.

Rhamnus cathartica L. Rhamneae R. Brown.

V. 1. L.

Drupae recentes maturae, globosae, quatuor linearum diametro, disco orbiculari suffultae, nigrae, succo e violaceo viridi replete et pyrenis cartilagineis, obtuse triangularibus, obscuris, saepissime quaternis, quae in **Rhamno Frangula L.** binae vel ternae tantum, compressae et pallide subfuscæ sunt.

Fructus Vanillae.

Vanille.

*Vanilla.***Vanilla planifolia Andrews. Orchideae Juss.****XX. 1. L.**

Capsulae non plane maturae, subcarnosae, compressae, sex ad novem pollicēs longae, duas ad quatuor lineas latae, striatae, coloris fusi, crystallulis saepe inspersae, pulpa farctae granulosa, saporis suavissimi et odoris Balsamo Peruviano similis, e seminibus simulata innumerabilibus, minutissimis, atris, strato tenuissimo balsamico obtectis et conglutinatis.

Gallae.

Galläpfel.

Gallae Halepenses. Aleppische Galläpfel.

Ex crescentiae ictu **Cynipis Gallae tinctoriae Olivier** in gemmis **Quercus infectoriae Olivier** et aliarum affinium specierum ortae, subglobosae, verrucoso-echinatae, saepe foramine praeditae, ponderosae, durae, coloris e subviridi cinerei vel obscurioris vel pallidioris, manducatae adstringentes.

Gelatina.

Weisser Leim.

Sit et coloris et odoris paene expers.